

ilo li wile e soweli




ni li suli ala tawa ilo · ilo li awen · ilo li lape ·
poki ona li pona · kalama ala li lon · ale li
pona ·

taso tenpo ni la ijo sin li kama ·
mu · ni li seme ·
mu · ni li tan seme ·
mu · a ni li kama e seme tan ilo ·
mu · a mu ni li suwi mute tawa kute ilo ·
mu mu · a ni li kama e wile tan ilo ·
mu · ilo li wile tawa mu · · ·

ilo li weka tan poki ona → 





 ilo li tawa li tawa li awen tawa lon tenpo
suli · taso ona li kama lon ala sinpin · tomo li
kama ala pini · ni la ilo li awen tawa · suno pi
tomo ni li kama lili li kama weka ·
pimeja li kama · taso ilo li awen tawa · toki
nasa li lon poka ona ale · ilo li sona ala e toki ni
li ken ala sona e toki ni li awen sona ala e toki
ni lon tenpo ale · ilo li awen tawa li awen tawa
li awen tawa ·





ilo li awen tawa la nasa li kama suli · jelo nasa
wan li kama suno lili lon poka ona · jelo nasa tu
li kama lon poka ona · jelo nasa mute a li kama
lon poka ale ona · jelo ni ale li tawa sama ilo ·
jelo ale ni li toki nasa li toki e toki pi sona ilo
ala

ilo li ken ala ken pilin ike ·





ilo li awen tawa la mute jelo li kama suli a · ni
la suno jelo li kama suli li suno e poka ilo · ilo li
kama lukin e selo jelo · selo jelo li sama
soweli · taso selo soweli ni li nasa · ilo en selo
nasa ale li awen tawa li awen tawa · noka selo
li kalama lon ma · ilo li ken ala ken pilin ike ·
kalama pi noka selo li kama kalama suli · ilo li
ken ala ken pilin ike · kalama pi noka selo li
sama kalama pi toki nasa ona ·

ilo li ken ala ken pilin ike ·






ilo li lukin e ijo nasa kin · soweli en ilo la kon li laso lon insa pi ona tu · kon laso li sama sinpin lon tomo ni · ilo li wile tawa soweli suwi la ona li wile tawa kon laso ni · · ·

ilo o tawa soweli → 

ilo o kama sin lon nasin → 





 ilo li tawa tomo anpa · ona li open e lupa
 tomo la ona li kute e kalama lili · ijo li tawa lon
 insa pi tomo ni · ilo li kama lon insa tomo · ni la
 kalama li pini · ilo li lukin la akesi suli tu li lon ·
 akesi li kama lukin e ilo la ona li wile tawa ilo ·
 akesi li wile musi · taso akesi li suli a ·


lon monsi akesi la kiwen li lon · kiwen li suno ·
 lukin ilo la kiwen ni li wawa mute · ken la ilo li
 ken kepeken kiwen ni · · ·

ilo o tawa akesi → 

ilo o kama sin lon nasin → 





 ilo li tawa sewi · nasin li tawa sewi la ilo li
ken tawa sewi · taso nasin li tawa ala sewi
suli · sewi suli la lupa li lon li tawa tomo sewi ·
ike la ilo li ken ala tawa lupa li ken ala tawa
tomo sewi · a seme la ona li ken ·

tenpo ni la ilo li sona ala ·
ilo li tawa tomo ante · · ·

ilo o tawa tomo mu → 


ilo o tawa tomo anpa → 

ilo o tawa tomo moku → 

ilo o tawa tomo pali → 






 · ilo li tawa tomo pali · tenpo pali la jan li
pali lon ona · taso ni li tenpo pali ala · jan li lon
ala · pali ona taso li lon · pali ona li supa · ilo li
wile sona e supa · ona li lukin e sitelen jan li
kama sona e supa · supa ni li ken e tawa · ijo li
lon supa la ijo li kama lon supa ante kepeken
tenpo ala a · supa en tomo li tawa ala · taso ijo
li lon supa ante ·





 ike a · ilo li kama pakala · anu seme · a ·
taso ilo li awen · anu seme ·

ilo li pini e lape · ona li moli ala · ona li awen ·
a pona · ona li lon poki pona ona · lukin la poki
li pona e ilo li pini e pakala ilo · pona mute a ·


tenpo pini la ilo li wile awen lon insa poki ·
taso tenpo ni la ilo li wile e ijo ante · a ijo
seme ·

mu · a ijo ni · mu ni li lon wile ilo · ilo li wile
tawa ona ·

ilo li tawa · · · → 





 ilo li tawa · taso akesi tu li tawa kin · ona
li tawa kepeken wawa li wile musu kepeken ilo ·
ilo li lukin weka · taso akesi li alasa e ona li jo e
ona · akesi li uta wawa e ilo li tawa mute e ilo ·
tenpo la akesi wan li wile utala musu e akesi
ante · ona li lukin weka e ilo tan uta pi akesi
poka · akesi ante li utala kin li awen jo uta e
ilo ·

ike la tawa awen ni li ken tu e selo ilo · ilo li
lukin tawa · taso akesi li wawa mute · akesi li
tawa wawa e ilo · ni li tu pakala e ilo · · ·

ilo li moli ala moli → 





ilo li kama sin lon nasin li kute e mu · mu li
 pona tawa ona · ona li tawa tomo mu · ona li
 lukin e lupa tomo · lukin la ijo ala li lon insa
 tomo · taso ona li kama lon insa tomo la ona li
 kama lukin e ijo tu ·

mu · poka ante pi tomo ni la soweli li lon li mu ·
 ilo li kute e mu pona li lukin e soweli pona ·
 soweli li suwi suli tawa ilo · ona li wile lon poka
 soweli · ni li wile ona nanpa wan ·

mu ·

ilo li lukin e ijo nasa kin · soweli en ilo la kon li
 laso lon insa pi ona tu · kon laso li sama sinpin
 lon tomo ni · ilo li wile tawa soweli suwi la ona
 li wile tawa kon laso ni ·






ken la ilo li ken pana e moku tawa soweli · ona
li lukin ni · ona li jo e moku li tawa soweli · ona
li kama lon poka pi kon laso la nasa li kama ·
kon laso li kalama · moku li kama lon insa kon
la moku li kama seli li kama nasa li kama
pimeja li kama weka a · ni la moku li lon
ala · · ·

ilo o tawa soweli → 

ilo o kama sin lon nasin → 





 ilo li tawa tomo anpa · ona li open e lupa
tomo la ona li kute e kalama lili · ijo li tawa lon
insa pi tomo ni · ilo li kama lon insa tomo · ni la
kalama li pini · ilo li lukin la akesi suli tu li lon ·
akesi li kama lukin e ilo la ona li wile tawa ilo ·
akesi li wile musi · taso akesi li suli a ·

lon monsi akesi la kiwen li lon · kiwen li suno ·
lukin ilo la kiwen ni li wawa mute · ilo li wile
kepeken kiwen ni ·





tenpo ni la ilo li sona ala · taso ona li ken pana
sewi e moku · ilo li tawa wawa e moku · moku li
kama lon lupa sewi · ilo li awen · taso sin ala li
kama · ilo li tawa tomo ante · . . .

ilo o tawa tomo mu → 

ilo o tawa tomo anpa → 

ilo o tawa tomo moku → 

ilo o tawa tomo pali → 





ilo li pana e moku tawa lupa supa · ilo li awen ·
taso sin ala li kama · ken la wawa li ken tan
tomo ante · · ·

ilo o tawa tomo mu → 


ilo o tawa tomo anpa → 

ilo o tawa tomo sewi → 

ilo o tawa tomo moku → 





 ilo li tawa sewi · nasin li tawa sewi la ilo li
ken tawa sewi · taso nasin li tawa ala sewi
suli · sewi suli la lupa li lon li tawa tomo sewi ·
ike la ilo li ken ala tawa lupa li ken ala tawa
tomo sewi · a seme la ona li ken ·





tenpo ni la ilo li sona ala · taso ona li ken pana
sewi e kiwen wawa · ilo li tawa wawa e kiwen ·
kiwen li kama lon lupa sewi · ilo li awen · taso
sin ala li kama · ilo li tawa tomo ante · · ·

ilo o tawa tomo mu → 

ilo o tawa tomo anpa → 

ilo o tawa tomo moku → 

ilo o tawa tomo pali → 






🌿 ilo li tawa tomo moku · moku mute li lon ·
ilo li ilo la ona li moku ala e moku · ona li moku
e wawa · ilo li jo e kiwen wawa la ona li pana e
kiwen lon poka moku · kiwen li suno lili la ni li
namako e tomo · ni li musu tawa ilo · · ·

ilo li kama sin lon nasin → 🐱





 ilo li tawa tomo pali · tenpo pali la jan li
pali lon ona · taso ni li tenpo pali ala · jan li lon
ala · pali ona taso li lon · pali ona li supa · ilo li
wile sona e supa · ona li lukin e sitelen jan li
kama sona e supa · supa ni li ken e tawa · ijo li
lon supa la ijo li kama lon supa ante kepeken
tenpo ala a · supa en tomo li tawa ala · taso ijo
li lon supa ante ·

ni li musi tawa ilo · ona li wile kepeken supa ni
pi nasa tawa · taso kepeken pi supa ni li wile e
wawa mute · pona la ilo li jo e kiwen wawa ·
ona li pana e kiwen wawa tawa lupa supa · ni
la supa li kama suno walo ·





ilo li kepeken telo wawa · ona li tawa lon kon li
ken tawa wawa · taso ona li ken tawa sama ni
lon tenpo wan taso · · ·

ilo o tawa tomo mu → 

ilo o tawa tomo anpa → 

ilo o tawa tomo sewi → 

ilo o tawa tomo moku → 





⊗ ilo li jo e poki · ona li open e ona · insa
poki la kala li lon li pana e kon wawa · kon kala
li tawa soweli suwi · soweli li pilin e kon ni ·
mu · mu · muuuuu · ona li tawa tan kon · ona li
tawa ilo · ona li kama lon kon laso · ona li kama
lon poka ilo · ilo li lukin e soweli · soweli li lukin
e ilo ·
muuuu · ilo li pana e kala tawa soweli · soweli
li moku e kala · ona li mu li selo ona e selo ilo ·
o moku e kala pona · · ·






ilo li tawa sewi · telo wawa la ilo li ken
tawa sewi kepeken tenpo lili li ken tawa sewi
suli · sewi suli la lupa li lon li tawa tomo sewi ·
ilo li tawa lupa li tawa tomo sewi ·

ijo mute li lon tomo sewi · jan li pana e ijo pi
tenpo pini li awen e ijo ni li weka ala e ijo ni ·
ni la ilo li alasa e nasin pona · ona li wile tawa
poka tomo ante ·





(o sitelen kepeken linja wan · o sitelen kepeken kule pi wile sina · alasa pona!)





Q̃ aaaaaaaaaa ilo li kama lon poka tomo
ante · ona li kama lukin e lupa lon sinpin · lupa
ni li tawa tomo pi sona ilo ala · ilo li tawa ona ·

ilo li kama anpa li tawa anpa li anpa li anpa li
anpa · ona li anpa mute la tomo ale li lon sewi
mute · jan sona li len e anpa ale ni la ona li len
e ijo seme a ·





nasin mute li lon · ilo li alasa · · ·

ilo o tawa poka wan → 

ilo o tawa poka ante → 

ilo o tawa sinpin → 

ilo o tawa monsi → 





 nasin mute li lon · ilo li alasa · · ·


ilo o tawa poka wan → 

ilo o tawa sinpin → 

ilo o tawa monsi → 






 nasin ni li sike mute li tawa nasa · pini pi
nasin ni la poki suli li lon · ona li sama poki suli
pi tomo ante · ilo li lukin e insa poki · a · telo
wawa li lon ni kin · telo wawa ni la ilo li ken
tawa wawa sin li ken tawa sin lon kon li ken
kama sin lon tomo sewi · · ·

ilo o tawa sewi → 

ilo o alasa e nasin ante → 





 ilo li lon nasin loje li tawa li tawa li tawa ·
lukin la kala ike li lon telo li suli a · ona li alasa
e ilo la ona li wile poki e ilo kepeken telo · pona
la ilo li tawa kepeken wawa mute · ni la nasin
tu li kama tan nasin ni li nasin suli li nasin
lili · · ·

ilo o tawa nasin suli → 

ilo o tawa nasin lili → 





☺️ · pona la nasin ni li suli · telo mute ala li
ken kama lon poka ilo · ike la nasin li awen
tawa li awen tawa telo · ilo li kute e kala lon
weka mute · ni li pona ala pona · ala a · telo li
kama tan weka li tawa ilo li kama tawa suli a ·
telo li kama supa ala li kama nena li kama nena
suli · telo mute li kama lon poka ilo ale a · pona
la kala li ken ala kama lon ilo · nasin li suli la
ona li ken ala awen alasa e ilo · taso tenpo ni la
telo mute li lon li lon poka ale ·
ilo li ken ala tawa nasin ante · ilo li ken awen
taso ·





ilo li ken ala tawa mu suwi li ken ala tawa
soweli pi mu suwi · tenpo kama la jan pali ona
li ken kama li ken weka pona e ilo tan ma ike
ni · taso tenpo ni la ilo li ken awen taso · kala
lili mute li kama lon poka ilo · ona li utala ala ·
taso ona li mu ala li lon taso ·

o moku e kala ike · · ·





☹ ilo li lon nasin jelo li tawa li tawa li tawa ·
lukin la kala ike li lon telo li suli a · ona li alasa
e ilo la ona li wile poki e ilo kepeken telo · pona
la ilo li tawa kepeken wawa mute · ni la nasin
tu li kama tan nasin ni li nasin suli li nasin
lili · . . .

ilo o tawa nasin lili → ↘

ilo o tawa nasin suli → ☹





𐄎 ilo li tawa lon nasin ni · nasin li sike ala li awen tawa sama palisa · pini nasin la ilo li lukin e poki · ona li oko e poki li kama sona open e ona · insa poki la poki ante li lon · insa pi poki ante la poki kin li lon · insa pi poki kin la poki insa li lon · poki insa li open ala la ilo li oko pona e poki li alasa e nasin open · pona la nasin li lon poki ·





o tawa tomo soweli · o lukin e nimi open mute ·
o lukin e kalama open pi nimi open · kalama
open pi nimi open pi tomo soweli li toki e nimi ·

ni la ilo li sona e nasin open ona · ona li awen e
sona ni tawa tenpo kama · · ·

ilo li tawa nasin ante → 

